

درسمادنده یکی پوسته خانه قارشوسنده
 اثره مخصوصه در
 محل اداره:

مشرط افق

۱۳۲۶

درج ایدیلدن آثار اعاده اولماز
 مسلكمزه موافق آثار جدیدیه مع المنوبیه قبول اولمور
 انظار:

دین، فلسفه، ادبیات، حقوق و علوم دین باحث هفته لق رساله در

درسمادنده نسخه سی ۵۰ پاره در

تبریلده دن مقوا بورو ایله کوندریلیرسه سنوی
 ۲۰ غروش فضله آلنیر.

درسمادنده پوسته ایله کوندریلیرسه ولایات بدلی اخذ اولمور.

مؤسسیری: ابوالعلا زین العابدین - ح. اشرف تدیب

تاریخ تأسیسی:
 ۱۱ نور ۳۲۴

سنه لکی	القایانی	درسمادنده
۳۵	۶۵	ولایاتده
۵۰	۹۰	ممالک اجنبیه ده
۵۰	۹۰	غروشدر

برنجی سنه

۳۲۶ ذی الحجه ۲۱ پنجشنبه ۱ کانون ثانی ۳۲۴

عدد: ۲۱

بری رئیس ، بری صاندیق امینی اولق اوزره هیچ اولمسه اوج کیشینک امضاسی بولونمق شرطدر .

۲۱ — مرکزده کی جمعیت کندیلرچون برکتانخانه ، بر مطالعه خانه ، حتی برده قونفرانس سالونیدن مرکب بر محل ایدمهیه چالیشه جقدر .
فی ۲۵ کانون اول سنه ۱۹۰۸

قونفرانس

تورکلکه دائر

مقرری
احمد مدحت افندی
محرری
ح . اشرف ادیب

استانبولده تحصیلده بولونانه « روسی ایستورم طلبه سی جمعیتی » نك دلالت معارفیر درانه سید ، فونیر قرائتخانه سنده نورکلرک منشأنه ، اثر غرافیه ، دور استیلانه دائر حکیم رمورخ شهریر احمد مدحت افندی حضرت تری طرفنده ویریلن قونفرانس در . مشارالیه حضرت تبریک ده نظر نصیح فاضله لندره کجمنشدر .

— اولکی نسخه دن مابعد —

بو نتیجه تتبعات رجعیه تاریخیه نتیجه لری در . یعنی قوری خیال دکل ! علمک بو کونکی درجه و قوفی بویله کوستریور . احتمال که یارین باشقه حقایق میدان چیقارده بونلر تعدیل اولنورلر . فقط بالجمله ملل مقمنده و مترقیه نزدنده بو کونکی وقوف علی کوستریورکه انسانلرک محل انتشاری آلتای در . و اوطاغلردن تحصیل ایدن برچوق انهار چین ایچنه طوغروسیچون ، جیچون کی نهرلر شرقدن غربه و بر چوق انهار هندیه شمالدن جنوبه و یکی جای کیلری جنوبدن شماله طوغرو جریان ایدرلرکه بوجریانلر انسانلرک ایلک انتشارلرنده کندیلرینه پیشوالق ایدن ایلک رهبرلدر . ساحه عالم تنها ، باخصوص بالظه کیرمک اورمانلره مستورایکن نوع بشرک بو حال ابتدای عجزنده قوجه صحرالری مرور ایچون یول بولمسی نه قدر کوچ اولدینی تصور اولنورسه نهرلرک جریاندن استفاده آراملری او درجه طبیعی و مجبوری کورولور .

مدققلرک نوع بشره محل انتشار اولق اوزره همالایی بولملری بزم ترککلک منشائی ارامق غیرتیه دکلدر . اولری تحریک ایدن غیرت تدقیقات فیلولوژی و اتنولوژی در ، بورالره قدر ، اوروپالره قدر منتشر اولان مللرک منسوب اولدقلری مملکتلری بولمق غیرتی در . برده کیده کیده اوحلی بولونجه دوشونمشلرکه خارجدن هیچ بر ملت بو محله کیرمه مش . اولله ایسه بو محله کوردیکمز آدملر بورانک « اوتوختون » یعنی بویرده پیدا اولمش اهالیسی در . چونکه باشقه یردن هجرت احتمالی قالماش . بزده انلرک بو غیرتلیله اصلرک بو قدر قدیم اولدینی بادهوادن اوکرنلرک . فقط بوندن سوکرا ان شاءالله بزده غیرت ایدرز . علمک بو جهتهله ترقیسنه بزده خدمت ایده زر .

آلتای طرفلرینه خارجدن بر ملت کیرمیدیکنه نه قدر اعتقاد علی واریسه باخاصه او طرفدن بو طرفه طوغرو بیوک بیوک مهاجرتلر وقوعه

کلدیکی دخی اوقدر محقق در . بناء علیه اقوام ترکیه برجهتدن چین ایچنه طوغرو ، امور وادیسنه ، ژاپونیایه طوغرو ، دیگر جهتدن هندستانه طوغرو انتقال ایدم طورسونلر ، اصل بزم بو طرفلره طوغرو انتقاللری اتنولوژی اربابی عادتا ذهنلره قناعت بخش اوله حق صورته ، تدقیق ایتشلدر . کلدان و آثور ایله قدیم ترککلک نه درجه مناسبلری اولدینی بر بحث مستقل در . بوکلدان و آثور خلقتک اک قدیم ملتدن اولدیغنه شبهه ایدیله مدیکی حالده آنلری ده آلتایه جلب ایدنجه قدملری ایکنچی درجهیه اینر . فقط قافقاس ، وواغا طریقله اک قدیم زمانلره اوروپایه طوغرو یورودکلری محققات قطعیه تاریخیه دن در . بونی سوکرایه براقلم ، مصر یونان قدیم کی دائره معارفه اک اول اثبات وجود ایلین ملل قدیمه بزم ترککلکمه دائرنه کی خبرلر المشلدر ، بر آثر بونی تدقیق ایدم . بو حالده اک اول « سیت » نامیه تاریخیه بر قوم کورورز : بونلرک مملکتلرینه ده « سیتیا » دیمشدر . لکن بو « سیتیا » دیدیکمزیر ، بلجیقا کی ، اسویچره کی حدودی علامات موضوعه ایله محدود و معین دکل . اوزمانه کوره ایران ایچلرینه طوغری ، قفقاسیادن بر مقدار یرلر برابر اولدق ممالک معلومه الاحوال عد ایدیله بیلدیکی حالده ده ها ایلروسی یعنی جهات شرقیه بالکلیه مجهول ایدی . بصره دن حزره بر خط چکرسهک ، بعده حزرک سواحل جنوبیه سندن ده قفقاسیه نك قسم کلیسی خارجده بر اقدرق یکی قلعه بوغازینه طوغری دیکر بر خط چکرسهک بو خطک شرق طرفی تماماً مجهول ایدی . ایچنده نه وار بیلنمز ایدی . اورادن بو طرفه طوغرو برطاقم اقوام سیل کی جوش ایدوب کلشدر . آرتق اولله بر زمانده نصل یول بولوب کلدکلری ملاحظیه محتاج قالیر . غریبی شونده که بوکلن « سیت » اقوامی بری طرفه کی اقوامدن ده ایتدن . . زیرا اللرنده اوق وار . او بر صنعت محصولی ، او بر ماکنه در . بری طرفه یونانیلر انده هنوز یوق . بوکلن سیتلر وحشی آنلری ده انسانه تأیس ایتشلر . اوزرلرینه بیفشلر . بری طرفه بوده یوق . زیرا آتک دخی محل انتشاری آلتای طرفلری در . انسانک جنکده ، صلحه رفیقی ، خدمتکار خاصی بولونان اوکوزل نوع فرس دخی آلتایی . انسانلرک اک نجیب صوبی اولان ترکلر کی آتلی دخی آلتایدن نشأت ایتش . [القیشلر] یونانیلر بوکلن قوم « سیت » دیمشدر . اما اولره « اسمکزنه در ؟ سزه کیلر دیرلر ؟ » دیه صورده رق دکل . اولرک آتدقلری اوقلر « سیت ، سیت » کی برصد ایلله قولاقلری دیدن کچدیکی ایچون بو اقوام « سیت » دیمشدر . هنوز کندیلری سواریلک نه اولدینی بیلدکلری جهتهله آرالرنده تحف بر فکر حاصل اولمش . بونلری غریب بر مخلوق عد ایتشلر . یاریسی آدم یاریدن اشغیسی حیوان ! یعنی سواریری آتلی یاشیق ایکسینی بر مخلوق صامشدر . بو حال اولر نظرنده کندی اساطیر یونانیلری میانده « سانتور » دنیان بانئ آدم وجودی آت بر مخلوق تصورینه قدر یول آچش . بو خرافاتی اخطاردن مقصد اوزمانلرک نه قدر اسکی زمانلر اولدینی وازنه مدار اواق ایچوندر . یعنی یونانستانک هنوز دائره تمدنه کیرمه مش اولدینی بر زمانده اقوام ترکیه شرقدن بو طرفلره هجرت

ایتمش. « هرودوت » بونلردن بحث ایدر ، حتی بونلرک بر قسمنه « قادیسلره تابع سیتلر » معناسنی مبین برکله یونانیسه ایله نام وعنوان ویرر . دیمک که ملکه لری ، قرالجه لری وارمش ، بوده بالاخره « آمازونلر » حکایه سنه میدان آچار . یونانستان اوله تخیل ایتمش که : شرقدن کلن اقوام ایچریسنده بعض قبائل وارمش ، یالکیز قادیسلردن متشکل ایتمش . اما بوقادینلر غایت جنکاور ایتمش . فقط ارککله ایملری یوق . تناسل ایچون برارککه احتیاجی اولدینی وقت اطراف وجواردن راست کتیردکارینی یاقه لایوب انلردن برصورت حیوانیه ده کبه قالیر ایتمش . طوغان چوجق ارکک ایسه بشقه لینه ترک ایدرلر ، قز ایسه انی سواری و جنکاور تربیه سیله تربیه ایدرلر ایتمش . بونلر خرافات ، اساطیر . فقط تاریخک دخی قسم اوللری اساطیردن عبارت دکلیدر ؟ ایسته بوسیتلر حقننده کی روایات بونلردر ، بو روایات ترککک قدمنی اثباته دکلمه ده ، اوقدمنی تتبع ومطالعیه خدمت ایدر برزمین درلر .

تاریخ قدیم ایچون المزده یازیلر مأخذلرک الک اسکسی «تورات» در . تورانده « یافت زاده دوسرک اوغلی طوغورما » نامنده براسم کورورز . بو « طوغورما » نک ترکلر باباسی اولدینی تاریخ ظن ایدیور بونی یونان ولاتین مورخلری «تورکیوم» صورتمه یازارلر . بونکله « ترک » لفظی آراسنده مشابعت لفظیه بولور . حتی « هرودوت » بوقوم حقننده معلومات ویریورکه اومعلومات اقوام ترکیه نک بوکونکی معیشتنه دخی توافق ایدیور . بوکمی مستشهادت یونانیه بولونمسه دخی بزم بو آسیای صغرا یعنی آناتولی طرفنه طوغورکلن اقوام قدیمه نک ترک اقوامی اولدینی محقق در .

کذلک انتشار اولاد نوح زمانلرینه عطفاً تورانده بر « ماغوق » اسمی کورولورکه قرآن کریمده « مأجوج » صورتمه اخبار بیورلمش . بین الخلق حاصل اولان بر و همه کوره بونلر کویا اوفق اوفق آدملر ایتمش . برقاج دانه سی برپاپوش ایچنه صیغار ایتمش . هیچ منع تجاوزلری ایچون ذوالقرنینی برسد انشاسنه مجبور ایدن خلق بوقدر اوقاقلق اوله بیلیری ؟ اونلرینه یافت بن نوح اولادی اولان ماغولردرکه سیتیا دنیان ممالک مجهوله الاحواله طوغری منتشر اولمشلر ایدی . بناء علیه مأجوجلر دخی ینه اوهر بری برطاغ کبی اولان ترکدن اولمق لازم کله جک .

شرق طرفندن بریلر طوغورکلن سیت قوملری مصره قدر یایلدقدن صوکرلر تکرار مملکتلرینه چکدکلی « هرودوت » ده محرردر . شوخالده بزه بر مسئله مهمه آچیلر : مصر تاریخ قدیمده بیان اولوندینی اوزره برچوق فراغه خاندانلری مصرده اجرای حکومت ایتمش . بونلردن اون النجی خاندان زمانده شرق طرفندن برقوم مصره هجوم ایتمش . بوقومک یانده پک چوق اغنام ومواشی وارمش . ذاتاً بویله یوزلرجه ، بیکلرجه فرسخ مسافه لری قطع ایدن اقوام پک چوق حیواناته محتاجدرلر . چکدکلی اورمانلرده ، اووه لرده ، صحرالرده کویلر ، لوقاقلر ، اکک فرونلری می بوله چقلر ؟ بیه چکلی ده

سود ، پندر کبی شیلر . صغیرلری ، قیونلری برلکده کتوررلردی ، بواسطه دورا دوری بویله اجرا ایدرلردی . مصره هجوم ایدن بوقومک یانده پک چوق مواشی کوردکلی ایچون مصرلر بونلره « هیقوسوس » دیمش . یعنی چوبان دیمک . برچوبان قوم مملکتلرینه داخل اولمش ، قدمای مصریه یی مغلوب ایتمش . مصر سفلانک بر بیوک قسمی ضبط ایتمش . یوزلرجه سنه اوراده اجرای حکومت ایتمش ، آندن صوکرلر اونیدنجی خاندانی تشکیل ایدن فرعون بونلری مغلوب ایتمش ، مصردن چیقارمش . اووقت ۲۴۰۰ بیک نفوس ایتمش . مصردن چیققدن صوکرلر نره یه کیتیلر ؟ ایزلری یوق ! هیچ اوله جنکاور برقوم (۲۴۰۰) بیک نفوسله چیقارده ایزی نصل بللی اولماز ؟ مورخلردن بعضیلری بونلر ایچون « فنیکی » دیمش ، بعضیلری « عرب » دیمش ، بعضیلری ده « سیت » دیمش . او سیت دینلرک قولی حقیقه مرجح در . چونکه یانلرند آت وار ایتمش . مصره ایلک آتی صوقان بوهیقسوسلردر . مادام که برابرلنده آت وار ایدی ، آت سیتلک شانی ، ترکک شانی اولدینی ایچون بونلر دخی ترک ایدیلر . اگر عرب کبی فنیکیلر کبی او جوار اهاالیسنندن بولونسه ییدی بنی اسرائیلک قرق سنه مدت صحرای تیه ایچنده کی کشت وکذارلری معلوم اولدقلری حالده بونلرک چکدکلی یرلر وتابع اولدقلری یولار معلوم اولمی ایدی . شوخالده بونلر یالاسفار بعیده یه متحمل اولدقلری ایچون ینه مملکتلرینه قدر چکدیلر . . یاخود دیگر براحتماله کوره آفریقا ایچریسنه طوغری کیتیلر . زیرا تاریخ نه طرفه طوغری کیتیلرینی برصورت موصوفه سوبله میور .

عجاسیتلرک مصردن آفریقایه طوغور کیتیلری ذهنه صیغار برشی اوله منمی ؟

پک زیاده صیغار ، افندیلرم . آفریقای وسطاده اکثریتله فرانسزلرک تحت اشغال اولدقلری یرلرده بریوک قوم کوریورز . بوقومه « تو آرک » دیورلر . فقط « تو آرک » اسمی بوقومه دور قدیمه عربلر طرفندن ویریشدر . بونلر کندی کندیلرینه « ایموهار » دیرلر . بوکون اتنه لوژی : بوقوم عن اصل خالص ، مخلص بربرلردر ، دیور « تو آرک » لر ایچریسنده سیاحت ایدن برفرانسزک سیاحت نامه سننده ویردیکی بعض ایضاحات نظر دقتی جلب ایتمش ایدی . بونلره « تو آرک » اسمی عربلر طرفندن ویریش . بوکله جمع ایتمش . مفردی ده « تارکی » ایتمش . عربلر اگر « ترک » اسمی « ت . ر . ک » یازارلرسه چی « ا . ر . ک » اولور . یوق اگر « ترک » اسمی الک طوغری املاسنجه « ت . و . ر . ک » دیه یازارلرسه اوزمان چی « توارک » اولمق لازم کلیر .

شو جهت نظر دقتی آچدی . اونلر « تووارک » اونورلر . تلفظده جزئی اختلافک اهمیتی یوق .

مادامکه جمع در ، مادامکه صورت چی قاعده نحویه سه موافق در ، بونلرک مطلقاً ترک اولمسی پک موافق در .

بوندن ماعدا فرانسزک « بربری الاصل » دیدکلی بوقوم ، بنی

سامدن دکلر . آفریقایی ده دکلر . سودانی ده دکلر . آفریقاییلرک ، سودانیلرک سیمالری ، رنگاری مروفدر ، حالهوک توواره کلرک رنگاری پرچ ، لونج رنگیدر . قوزغونی سیاه دکل ، بیاض ده دکل ، مالت خارده پیدا اولمش بر رنگ . صاچلری اوزون و کور . یعنی سودانیلرکی قیویرجق و بیانی حالده دکل . کوزلری سیاه ایسه ده ایچلرنده مائی کور دخی نادر دکل ، مائی کوزیلرخی سامده یوق کئی برشیدر . بونلرک بوللری اوزون . عضلاتی ریاضت بدنیه یامیش کئی غایت طولون و قوی که زنجیلده بولمز . صقاللر خفیف . باش تراش . موغوللر حالی ! جیمناستیک تعلیملری یامیش کئی بللری اینجه . اللری و آیقلری کوچوک . شمعی بوتعریفات نظردقمزی جلب ایدرسه بزه برچوق اقوام ترکیهیه دائر اولان معلوماتک دلالتیه بزم شو توواره کلری عادتاً « ترکی الاصل » دییه حکم و بره جکر . اما بونی بر حقیقت قطعیه دییه سوبله میورم . ولوکه برخیا اوله رق سوبله میورم . احتمال بر زمان بوخیال حقیقت حکمی آیر . بواحقمالی پک قوتلی بولیورم . ذاتاً بربرلرک اصلنی اتنولوژیائی قطعاً هنوز تعین ایتمه مشدر .

صوکره بو اقوامک اصول معیشتلری اصول معیشت ترکیهیه پک مشابه . دوه سودیله ، قیون سودیله تعیش ایتدکلری کئی سوتدن اکشی برمایع یاپدقلری ده سوبله میور . ویردکلری تفصیلاتدن آکلایه مدم که قیزی در . اگر بر عثمانلی اورایه کیدوب ده بومایی قیز نوعدن بولورایسه توارکلرک ترک اولدقلرینه هیچ شبهه قالماز . بوتحققی کوکلم پک زیاده ارزو ایدر . او حالده عثمانلیق نامته دینلیرکه بو حقیقتی ایلك دفعه اولمق اوزره استانبولده بر عثمانلی ۱۳۲۶ سنه سنده میدان قویمش و اتنولوژی فننه شو خدمتی ایتمشدر [آقیشلر و تیاترو سسناسی اوزرنده مدحت افندی حضرتلرینک آرقه طرفنده بر طومش اولان یکریمی قدر ارباب دانش طرفلرندن « آفرین ! آفرین ! ... » صدالری]

شیمدی اقوام ترکیهیی آسیانک و سطندن چیقاردق وانا طولییه ، مصر ، آفریقاییه قدر جولانلرینی سوبیلدک . دیگر جهتدن « هون » طائفه سی وار . بو « هون » لرک اصلنی « اوغور » لردن بر جماعت اولمق اوزره خبر و بریورلر . « اوغور » که ترکلرک اک متقی جاعتلرندن بریسی ! بونلر غربیه طوغرو یورودجکه آرال ، وولغا وادیسنی ، قفقاسک شمالی ، قریمی ذالآینه کندی جنسلری طرفندن استیلا ایدلمش بولدقلرندن فنلاندیایه طوغرو سور مشر کیتشلر . بونلره « فینوا » دییورز ، بونلرک کندی اسمنک بقیه سنی مجارستانده بولورز . بزم تواریخ قدیعه عثمانیه مزرک « انکروس » دیدیکی مجارستانه اوروپالیر « هونفری » دیرلر . مجارلرده کندی خاطرات متوارثه لرنده کندیلرینک ترک اولدیفنی سوبیلورلر . کرک برچوق الفاظ جهتیه ، کرک ترتیب کلام جهتیه او قومک ترکه منسوبیتی اثبات ایدیورلر . بو « هون » لر شیمدیکی آلمانیه انک و سطندن کچهرک « آتیلا » نام رئیسلرینک سوبله قوجا ، رومانک اوزرینه یورودیلر . روما ! ... او دولت جهانگیرکه تاریخ حرب ایچنده اک بیوک تأثیراتی یامیش . لکن ایلك ادوارنده اخلاقی نه قدر عالی ایسه ، سعی و غیرتی نه قدر فوق العاده ایسه صوکره

اودرجه ذوق و صفایه طلش ، ایبراطورلری ، رئیسلری اوبله اسرافات یامیش که ایشته دجکه انسانی حیوت استیلا ایدیور . بعض ضیافتلرده قناریا دینلرندن چوربا یاهرش ، ویاخود یانه کی آشفته سنی اکلندیرمک ایچون روما شهرینی یا قهرق حکم هور مشلر . بواحوال نتیجه سنی اوله رق شرق قیمی غریبن آیریور . دولت منقسم اولیور . ایشته بواقسام اوزرینه ده « هون » لر باصدیر میور ، نروده روما ، اوهر بری برجانی قلعه حکمنده اولان قهرمانلری ؟ خدمت عسگریه بی بتون بتون اونوشلر . عسکرلری بر خدمت خسیسه عدایدرک یا کوله لرینه یاخود خارجلدن اجرت ایله طوتدقلری آدمزله کوردیر میورلر . بر ملت حیاتی کندی قایله مدافعه ایتیموده باشقه سنک قایله مدافعه ایدرسه طبیعی محو و مندرس اولور . [آقیشلر] دنیاده اک مبارک قان اوقاندیرکه مدافعه وطن و ملت اوغورنده نثار ایدیلر . [آقیشلر]

« هون » لر رومایی استیلادن صوکره برطاقم ولایتلر کسب استقلال ایله حکومات جدیدنه ک اساسنی قوردقلری صروده بو هونلر کندی مغولریله الفت پیدا ایدرک اونلرله قاریمش کیتشلردر . شو ایضا حاندن عنصر مبارک ترکک نرله قدر نفوذ ایتدیکی نظر مزده اینجه تعین ایتمشدر .

چینلیر ترکلری تمامیه طایفه تآخر ایتشلر . او چینلیرکه اوبله طوفان نوحندن ده خبردار دکلر ، کندیلرینی اوندن مقدم عدا ایدرلر . کندی مملکتلرینک شمال غربیسنده برطاقم قوملر پیدا اولمش . بونلره « هپوتغ نو » تسمیه ایتشلر . چینلیر بونلردن متفر ایتشلر ، اما بونلر چین مدینه تهنه میال ایتشلر . بو ، بیوک بر فضیلت در . یواش یواش آرلرنده انسیت پیدا اولمش . بو آشیلانقدن یکی یکی قوملر چیقمش . پک چوق زمان بو صورتله اختلاطدن صوکره او قوملرک اجزاسنی طایفه باشلامشلر . یعنی فلان قوم ، فلان قبیله دیه اسماء خصوصیه قبائل بو صورتله طایفه باشلامشلر . برده ایچلرنده « تاقاؤل » دیه بر جنس بواشلر . او جنسک بر کوچکی ده اولمق اوزره « تانا » اسمنده بر قوم ده بولمشلر . صوکره « موهو » نامنده بر قوم . برده « موهول » بواشلر . بونلرک ایچریسنده « مغول » و « تاتار » اسملری ایشته آب اشکاره کورولیور . ایوم چینک شمال طرفلری کرک ملز کرک خالص مغول جنسندن برطاقم اهالی ترکیه ایله مسکوندر . اقوام ترکیه ایچریسنده اک زیاده نظر دقمزی جلب ایتک لازم کلن قوم ایسه « اوغورلر » در . بونلر برچوق قبائل ترک و تاتار اوزرنده اجرای نفوذ ایتشلر . « یوخری » اسمیه سیبریایه طوغرو منتشر اولمشلر . بعض فرقه لری وولغا طرفلرینه قدر ایتشلر . بونلرک آرلرنده برنوع حروف تورومش . برچوق طاشلر اوزرنده برچوق محکوکات وار . ترکلکه اشتغال ایدلرله « ترک لوغ » دیرلر . یعنی بحث الانراک اربابی او محکوکاتک حلیله اوغراشمقده دیرلر . بالآخره میلاد عیسانک سکزنجی عصرلرینه طوغرو نسطوری پاپاسلری بواوینورلرک اینجه کیتشلر . آنلری نصرانیه دعوت ایتشلر . عادتاً حروف هجا ترتیب ایتشلر . پک چوق زمان بونلره قوللاشمشلر .

بیلدیکی حالدہ السنہ ترکیبی ده تدقیق ایتیش . بکا دیدی که : « اوغلم ! سز بر ملتسکز که سزک تقسیماتکز بر امر خارجی در . حقیقت حالیه ایسه سز لسان واحدله متکلمسکز . جزئی بر تعاطی افکار ، بر غیرت متغایله سزی یکپاره بر ملت حاله قویار . [پک سورکلی آلفیشلر] بونی قونفرانسزک ختامده سوبلهیه جکیز . شو جنکیز جولانده بر نظر دها عطف ایدم : یوز بیکلرجه عسکری قره قوروم صحراسندن چقاروب بحر بالطقه ، آناتولییه قدر سوق ایتیش . هم نه قدر انتظام ایله ! بوتون اقوام ترکیبی اداره واحدهیه تابع قیلش . بوقدر اوزون سفرلری بو درجه انتظام ایله یاپه یملک حالا بوکون دخی افکار عسکره اربابی حیران ایدر .

جنکیزدن صوکرانوبت استیلا تیموریلره کلیر . بونلر شامه قدر کلشیر . عثمانلیغه عائد برجهتدن بزبونلره قارشو متأثرز . زیرا هنوز تشکیلاتی اکیاله چالیشدیغمز بر زمانده ییلدیرم بایزیدخان وقعه سی بزنی فتوحات عسکریه مزجه بر سکتیه اوغراندی . انقره وقعه سندن صوکره شهزاده لک منازعانی ! یعنی بزه قرق الی سندانک بر تأخری موجب اولدی . فقط دیگر جهتدن تیموریلرک اسلامه ، ترکله ایتدکلی خدمتی مسلمان ، ترک باخصوص مورخ صفتیه تقدیر ایدرز . زیرا هندستانک نصف شمالیسنی استیلا ایتدیلر . بو مناسبتله اورانک اهالیسی ، بر آز مشکوکلی بولونان اسلامیتی تمامیه قبول ایتدیلر . حقیقت سلاطین وامرای تیموریه معارف اسلامیه پک چوق خدمت ایتدیلر . بونلرک ایچنده « شاهرخ » اک بیوک سلاطین ترکیه دن در . محب علما ، محب اهل عرفان ، هراقشام آنک بزمنده علما اجتماع ایدرلر . حتی ، شورایه قید ایتشم ، بر وبا وقوعبولور ، اون بیک قدر آدم اولور ، بونلرک ایچریسنده علمادن وفات ایدنلر شونلردر : زیدالدین خانی ، نفتازانی زاده شمس الدین ، محمد برهان الدین ، عطاءالله خوارزمی ، برادری مولانا اصل ، استاد موسیقی عبدالقادر مراغی ، سید شریف زاده سید نورالدین .

عبدالقادر مراغی ... بوذات برتل اوژرنده اصوات موسیقییه تعین ایچون بر قانون قوعش . انسان برتلی هانکی بر پردهیه آهنگ ایتسه مثلاً (ره) یه آهنگ ایتسه ، بعده اوتلک تا اورتیه سنه بر اشیک قویسه بوجله تنصیف ایتیش اولدینی تلک هر ایکی طرفندن ینه ره صداسی چقار ایسه ده بر اوقتاو تیزنه سه چقار . بو صورتله برتلی اقسام مناسبه سنجه ایدیلن تقسیمدن موزیقه پردلری حاصل اولوب اوپردلرک تقابلندن دخی الحان موسیقییه حصوله کلیرکه بونلرک حکمت طبعیه مباحثنددر . بومباحث حکیمیه اوزمانلر شاهرخ حضرتلرینک مجالس مصاحبه سنی تزین ایدیورلر ایش .

هله اوغلی « اولوغ » بک . اصل اسمی دکلر . بوانک صفتی در . اوکا بیوک معناسنه « اولوغ » دیشلر . اصل اسمی « طرفای » . بوذات باباسی زمانده سمرقنده والی اولمش . کنندیسی مشهور سمرقند مدرسه سنی بنا ایتدی . « خانقاه » نامیه مدرسه یانده برده طلبه اقامتگاهنی تأسیس ایتدی که بتون لوازمی شاهانه بر صورتده ترتیب اولندی .

بورالره کلن تیمور اردولرنده دخی بو حروف مستعمل ایش . حتی فاتح زمانده استانبول بو حروفی کورمش . بوجهت فاضل رفیق نجیب عاصم بکک دائره اختصاصی داخنده در . [آلفیشلر . نجیب عاصم بک قالدهرق کال تواضعه ایفای تشکر ایدیور . پک شدتلی آلفیشلردوام ایدیور .] تدقیقاتی همزدن ایلری در . کنندیسی برخیلی جلددن مرکب بر ترک تاریخی یازمشدر . ترکک حقده کی تدقیقاتک اک زیاده شایسته احتیاج اولان قسمی اوندن آله جفز .

اشبو اوینور حروفی ایله یازمش الیه بر کتاب وار . بو کتاب ترجمه اولمش . کتابک آدی « قوناقویلیک » در . شیدی عثمانلیجهیه ایشان لسانزه بو اسم یابانچی کلیر . حال بوکه پک کوزل ترکیه در . بز بوکون برکمه قولانیرز ، فقط معناسنی دوش و نه یز : « قوتلو » . سکا قوتلو اولسون ، دیرزیا . مولده « قوتلو اوله سا که معراج بین » دینلش . « لو » بر احداث نسبت . اونی قالدیررسه ک قالیر : « قوت » . یعنی فرخنده ، مبارک ، شایان تقدیر و تحسین ، آرزو اولونه جق بر شی دیلک . بوندن بر فعل یایلم : « قوناق » یعنی بر آدمی مبارک قیلق . اسم فعل یایلم : « قوناقچی » . اسم فاعل اداتی اولان شو « جی » لفظی « جو » دخی او قورز . « او قویوجو » کی . جیم و غین ترک لسانده متحد الخرج کی در . بر طاق قبائل « جی » یی « غی » ، « جو » یی ده « غو » او قور . بو حالده اوله ایسه « قوناقو » یا خود « قوناقچی » یعنی « قوناقلایچی » . « بیلک » ایسه بیلکی و علم معناسنه . دیک اولیورکه « قوناقویلیک » دیلک انسانی قوتلو ایدیچی علم دیلک ایش . اخلاق انسانیه دن بحث ایدن بر کتاب در . بکا مجار فاضلرندن وامبری افتدی بو کتابک محتویاتدن بر طاق مباحث او قودی . ان شاء الله بوندن صوکران بو مثللو آثار قدیمه میدان قونور . چونکه او ترکلرله بو ترکلر آراسنده کی عزاده لکی آرزو ایدوب میدان چقارمق عثمانلیه کک اک بیوک حقیقی اقتضاسندن در [آلفیشلر]

شیدی کللم ترکلرک صوک جولانده : جنکیز خانک باباسی مقول ، آناسی قاتار . ذاتاً اتلولوزی بو عرقلرک کافه سنه « تورقو ، تاتار » نامی ویرر . بونلر بوزلرجه اقوامه منقسم ایلدر . بعضاً بر قبیلهدن قوی الشکیمه بر رئیس چقار . قبیله سنه کنندی اسمنی ویرر : اوزبک ، چغتای ، فلان کی . پروتستان میسیونرلری انجیلی ایکی یوز یکریمی لسانه ترجمه ایتیشلر . بورادیک « بایبل هلوس » او ۲۲۰ لسانه مترجم انجیلدن بر قاج سطر آلهرق بر کتاب چقارمش . بودیدیکم اوتوز سنه قدر اولور . بایبل هلوس دائره سنک رؤسایندن بریسی بورساله دن برخی بکا هدیه ایدلرک : « بز نه قدر غیرتلی آدملر ، بافکیز انجیلیمزی ۲۲۰ لسانه ترجمه ایتدک » دیدی . واقعا بو بوک غیرت باقدق ، بعضیلری چین حروفنه بکیز حروفلر . فقط عرب حروفیه یازمش اون ، اونیش قدر السنه ترکیه دخی کوردک که همان همان هپسی لسان واحد حکمندما

صوکران او قسفور پروفیسورلرندن متوفی « ماقس موللر » ایله کوروشدم . الی قدر لسانک تدقیقات فیلولوژییه سنی یازمش . ترجمه

هر درلو اسباب رفاه واستراحت مكمل . بتون علوم وفنون تحصيل اوليور . اولوغ بك بومدرسه طلبه سيله داغما منظره ، مباحثه ايدر . اوزمانلر دخی « فيلسوف عصر » عنوانيله مشهور اولان « غياث الدين » اوهيت علمايك رئيسي ايدى . اونك تعريفى وجهله برصد خانه بنا ايتديلر . دراپره ، اوهم برشيى بگننن دراپره ، اوديانته خصوصتله اشتهار ايدن دراپره تاريخده بورصد خانه يي كوردىكي زمان سرفرو بردء حيرت اولمش . ايشته بونلرى ياپانلر تيموريلر ، تركلر . تاريخ اسلامه بوشانلى صيفه لرى دىج ايتديلر انلر :

مشهور « على قوشجي » اووقت برچوجق ايمش . اولوغ بك اونك ذكاسنه حيران قالمش : اوقشار ، « ولد عزيز » ديه سورمش . ايشته بوموريلر علوم اسلاميه اوقدر خدمت ايتملر كه بونجه علمى اسلامك بريوك قسمى دخی ترك دن يتشمش . لكن بونلر عرب اصولى ايله « ابن فلان كى ، ابو . . . كى » تكنى ايدوب مؤلفات عليه لرى ده عر بجه يازد قلرندن . عرب ظن اولمش . اوروپا حالا عرب ارباب معارفى ظن ايدرلر . شيمدى جولانات تركيه حقنده بورايه قدر ويرديكم ايضاحاتدن المانيا امپراطورى حضرتلرينك برسوزى عقلمه كليور . برتابلو ياپلش ، صارى آدملىك اوروپايه غلبه لرىي كوسترمش . برزمان اولوب ده ژاپونيا وچين اوروپايه هجوم ايدى چك اولورسه جنكيز استيلاسى كى براستيلامكان در ، ديمش . بوخوفه دخی « لهريل ژون » تمبر ايتمش . يعنى بر تهلكه صفراء ، صارى تهلكه . برخيال اما بتون بتون خيال خام دكل ! زيرا اوآسيانك بعيد جهتلرندن حزر سواحلنه قدر بونلر ك اوكنده بر مانعه ، برمانعه طبعيه عسكريه يوق . شو قدر كه شيدليك اوراده كى اهالينك يعنى چين اقوامنك بويله بيوك بر حركته استعدادى يوقدر . شو حالده بر زمان ايجون اوروپا فى الحقيقه تحت تهلكه ده بولنه بيلير . ممالك متمدنه يي منتهى شرقك بويله بر هجومنه قارشى مدافعه ايجون عناصر تركيه يي اوياندير مى . اقوام و قبائل تركيه يي ، بر برندن خبردار ايدر ك مديت اسلاميه داخلنه الملى . اوزمان مسلمان و متمدن اولان تركلر معارف جريده مدينه ايله تمدن ايدر ك ، صنايع زمانيه يي اوكره نهر ك ، كندى موجوديت مدينه لرىي مدافعه يه غيرت ايدرلر ده امدافعه آوروپا ايجون دخی طبيعى برمدافعه حكمنى آير . بو تركلر چين پت پرستانندن قورقزلر . زيرا چينلرلر ده بوكونكى كونده اصل مزيت عسكريه اسلام عنصرنده در . چينلرلر عسكرلر كدن استكره ايدرلر . موجوديت سياسيه لرىي محافظه ايجون اولومدن قورققك بيوك بر مسكنت در . هر دم اولومه حاضر بولونملى كه حيات ملت محفوظ قالسون [آلفيشلر] . شو حالده شو مزيت تركيه اسلاميه ايله ممتاز بولونان اقوام تركيه مديتلىرىي اكال ايدرلر ، بو تهلكه صفراء دخی اورته دن قالقار . مابعدى وار

سؤال - جواب :

ذبح قربان

سؤال : اسلاميتك اركان اساسيه سندن برى ده عدالتدر . عدالت ، حقوقه رعایتدر ، انسانلر يكديكرينه قارشى متقابل بالحقوق اولدينى كى حيوانات ساثره نك ده حقوقه رعایت لازمه عدالت اولقى لازم كليز . انسان ، كندينه ياپلسنى آرزو ايتديكى شينى ديكرى حقنده ده روا كورمه مك مقتضيات عدالتدندر . انسان كندينك ذبحنه راضى دكلدر . حيوانات ساثره ده بر عزت نفس ، بر جان آجيسى ، بر حس اولدينى طبعيددر .

نچون مسلمانلر ذبح قربان ايله مكلف اولمشلر ؟ بو ظاهرأ حيواناتك حقنه بر تجاوز ، بر ظلم كى كورونمى ؟ بزبوسؤ الله معروض قالدق . اظفا غزته كزله اعطاي جواجى استرحام ايلرز . ملكيه مهندس مكىي طلبه سندن : توفيق ، نشئت ، رحيم .

صراط مستقيم

جواب : كائناته ايمان ايله نظر اولورسه بتون مخلوقات پيشنده ، بتون اجناس مختلفه آره سنده دائمى بر مبارزه ، بر مبارزه حياتيه كورولور . بر حيات وجود بوله بيلك ايجون مطلقا ديكر بر حياتى مغلوب ايدر ك اونك قوه ناميه سنى آلفقه مضطر قاليور . بو ، اويله بر قانون فطرتدر كه هر هانكى بر جسم ذى حياتى تحليل ايتسه ك بونك دائره حكمندن خارج كوره منسك . بوقانون خلقت تاباندن باشلايه رقى انسانه قدر اجراى نفوذ ايديلور . بويله ، حياتلر خلاصه اولنه اوله بر زنده حصوله كلهرك اصل مابه الخلق كائنات اولان نوع انسان نصيبدار حيات اوليور ، واوراده بوقانون فطرت نهايت بولور . چونكه غايه خلقت اودر . اوندن اعلا بر نوع يوقدر كه اوى محافظه ايجون حيات نوع انسانى فدايه لزوم كورلسون . [انسانك اكل مخلوقات اولدينى بياندن مستغنيدير . بونده ذره قدر شبهه وتردد يوقدر . حتى بشر اوقدر مكرم ، مجمل در كه ملكيتك بيله فوقنده در . جناب حق « بتون كائناتى انسان ايجون ، انسانى ده بنم ايجون خلق ايتزم » بيوريلور . انسانك حائر اولدينى « عقل » نور الهيدن بر شعله در . عقل جولانكا ، عالم لاهوتدر . ايشته انسان بوقدر عالى بر مخلوقدر .] ديمك كه نظر الهيده غايت الغايه ، نوع اعلى در . بونى محافظه ايجون كنديسندن ادنا اولان وانك مدار حيات وقوامى بولنان بتون اجسام عضويه يي اكا فدا ايدى كله در . اكر بوقانون قبول ايدليه چك اولورسه او حالده اجناس ذوى الحيات يشايه ماز ، قانون خلقت عبث قاليور ، سر خلقت تجلى ايتمز . مثلاً : حيوان نوعى محافظه ايجون قانون فطرت آنك مادوننده بولنان نبات نوعى فدا ايديلور ، حيوان كندى حياتى محافظه ايجون نباتله تغذى ايلور ، يعنى اوى اولديريور ، اونك حياتى كندى حياتنه قلب ايديلور .

شو حالده نوع حيوانك كندى مادوننده بولنان نوع نباتك حياتلى ازاله ايله سى فصل بر ظلم دكلسه نوع انسانك ده كندى بقاسى ايجون مادوننده اولوب ده كندى مدار حيات وقوامى اولان سائر اجسام عضويه كى بتون اطبانك تصديق واعترافيله انسان ايجونك نافع بر غذا چله سندن اولان انواع حيواناتك اتى ين قسمنى ده ذبح ايدر ك اونكله انتفاع ايتسى وبو صورته ده حياتى محافظه ايتلى ده ظلم اولماز .

شيمدى بر كره على الاطلاق بو جهت ، بو ذبح حيوان مباح اولدينى جهتي تحقق ايتدكدن ، تسليم اولندقدن صوكرا — كه اصل روح مسئله ده بودر — ايكنجى بر جهت كليور كه اوده بو بابده كى مكلفيت شرعيه در . فقرايى داغما جناح رافت وجايتى آلتنه آلان شريعت غراي محمديه بيلده بر دفعه اولسون بوانفع غذا دن فقرانك ده تناولى تأمين حكمنه مبنى زنكلىرى ذبح قربان ايله مكلف قيلمشدر .